

四庫全書

史部

欽定四庫全書

欽定續通志卷四百七十九

列傳

元 三十三

張禧

弘綱

賈文備

解誠

管如德

周全

孔元

朱國

張立

齊秉節

郭昂

綦公直

楊賽音布哈

完顏實珠

張禧東安州人父仁義金末徙家益都太宗下山東仁義乃走信安時燕薊已下獨信安猶為金守國兵圍信安仁義開門出戰圍解以功署軍馬總管守信安踰十年度不能支乃與主將舉城內附授管軍元帥後攻歸德飛矢入口鏃出項後卒禧年十六從大將額蘇倫南

攻徐州歸德復從元帥察罕攻壽春安豐廬滁黃泗諸  
州皆有功禧素峭直為主將所忌誣以他罪欲寘之法  
時王鶚侍世祖於潛邸禧密往依之鶚薦禧與其子弘  
綱俱入見歲己未從世祖攻鄂州諸軍穴城以入宋樹  
柵為夾城於內進輒不利乃命以厚賞募取死士禧與  
弘綱俱應募由城東南入戰將至城下帝憫其父子俱  
入險地遣諭禧父子止一人進戰禧所執槍中弩矢而折  
取弘綱槍以入破城東南角身中十八矢一鏃貫腹悶

絕復甦世祖亟命療之創愈復從大將鼐喇呼與宋兵戰於金口李家洲皆捷世祖即位授新軍千戶中統三年從征李璫時宋乘璫叛遣夏貴襲取蘄縣宿州等城禧移兵攻之貴走盡復諸城至元元年升唐鄧等州總管四年改水軍總管八年從攻襄樊江水暴溢宋遣范文虎以戰艦千餘艘來援元帥阿珠命禧率輕舟夜衝枚入其陣中插葦以識水之深淺及還阿珠即命禧率四翼水軍進戰宋兵潰追至淺水奪戰艦七十

阿珠傳載此作

至元六年  
年事

九年攻樊城焚其串樓敗宋將張貴于鹿門山  
十年行省集諸將問破襄陽策禧言襄樊夾漢江而城  
敵人橫鐵鎖置水楸于水中今斷鎖毀楸以絕其援則  
樊城必下樊城下則襄陽可圖矣行省用其計破樊城  
而襄陽繼降丞相巴延命為水軍先鋒十二年敗宋將  
孫虎臣于丁家洲尋移屯黃池以斷宋救兵十三年從  
下溫台福建十四年授江陰路達魯噶齊水軍萬戶十  
七年進都元帥朝廷議征日本禧請行拜行中書省平

章政事與右丞范文虎左丞李庭

日本國傳作右丞阿  
嚙罕左丞范文虎

同率舟師泛海東征至平湖島禧即捨舟築壘約束戰  
艦各相去五十步止泊以避風濤觸擊俄颶風大作他  
戰艦悉壞禧所部獨完丈虎等議還禧曰士卒溺死者  
半其脫死者皆壯士也曷若乘其無回顧心因糧於敵  
以進戰丈虎等不從曰還朝問罪吾輩當之公不與也  
禧乃分船與之時平湖島屯兵數千乏舟禧曰我安忍  
棄之遂悉棄舟中所載馬以濟其還至京師丈虎等皆

獲罪禧獨免子弘綱

弘綱字憲臣年十八父禧為主將所誣繫獄弘綱直入獄中併受繫弘綱佯狂謔笑守者易之既寢遂與其父逸去後從父攻城徇地屢有功為招討使襲鎮江陰盜起安吉弘綱率兵往捕未踰旬擒之從叅政高興破建德溪寨諸賊授河南諸翼征行萬戶從右丞劉深征八百媳婦國師次八番與叛蠻宋隆濟等力戰而歿追封齊郡公諡武宣



賈文備字仲武祁州蒲陰人父輔仕金為祁州刺史武  
仙憚輔膽畧密令所親圖之輔以衆歸太祖詔隸張柔  
柔開帥府於滿城命輔行元帥府事於祁州從定山東  
累功改行軍千戶文備襲父職張柔命屯三汊口宋兵  
來攻戰却之中統四年授萬戶領張柔所部軍屯亳州  
宋兵時鈔掠淮甸文備屢戰却之至元八年改河南等  
路統軍圍襄樊九年移蔡州兼督水陸漕運十一年復  
授萬戶漢軍都元帥領劉整軍駐亳州宋將夏貴知亳

無備盛引兵來襲文備出奇邀擊大破之從丞相巴延  
伐宋抵郢州宋築二城夾江布戰艦數千艘軍不得進  
文備泛舟由淪河徑出大江攻武磯堡從阿珠先渡江  
大軍繼之遂取鄂州命守鄂州十二年從平章政事阿  
爾哈雅趣湖南至潭州城下文備冒鋒鏑砲傷右手流  
矢中右臂攻愈急宋臣李芾死之轉運判官鍾蜚英等  
以城降按阿爾哈雅傳至元十三年春正月芾力屈及  
轉運使鍾蜚英都統陳義皆自殺其將劉孝忠  
以城降與  
此互異  
十三年移守潭州十四年衡永柳等郡寇發

文備悉討平之十五年進湖南道宣慰使徇瓊崖等州  
及廣東頻海諸城累遷荆湖占城行省叅知政事二十  
四年致仕後十七年以疾卒延祐四年追封武威郡公  
諡莊武

解誠易州定興人善水戰從伐宋設方畧奪敵船千計  
以功授金符水軍萬戶兼都水監使焦湖之戰獲戰艦  
三百艘宋以舟師來援誠據舟厲聲呵之援兵不敢動  
急移舟抵岸乘勢追殺之既又從攻安豐壽復泗亳諸

州俱有功又從下雲南大理國及從攻鄂殺溺敵軍甚衆世祖嘉其功嘗降制獎之至元三十年卒追封易國公諡武定子汝楫初從討李璫及平宋累獲功後襲父職卒追封易國公諡忠毅子特爾格襲從征廣西下靜江府改授水軍招討使尋復為萬戶從征交趾有功卒贈平陽郡公諡武宣

管如德黃州黃陂縣人父景模為宋將以蘄州降授淮西宣撫使如德為江州都統制亦以城降先是如德嘗

被俘思其父與同輩七人間道南馳為邏者所獲械送于郡如德伺邏者怠破械脫走間闖萬里達父所至是入覲世祖笑曰是孝於父者必忠於朕矣授以強弓二如德以左手兼握右手悉引滿之帝曰得無傷汝臂乎後母復然嘗從獵遇大溝馬不可越如德即解衣浮渡帝壯之稱為巴圖帝問朕何以得天下宋何以亡如德對曰陛下以福德勝之襄樊宋咽喉也咽喉被塞不亡何待帝稱善帝嘗語如德曰朕治天下重惜人命凡有罪

者必令面對再四果實也而後罪之非如宋權姦擅權  
書片紙數字即殺人也汝但一心奉職毋懼忌嫉之口  
授湖北招討使總管本部軍馬丞相阿珠南伐如德以  
軍為前鋒攻揚州渡江招安浙西東諸郡初世祖以寶  
刀賜如德及與敵戰刀又盡缺宋平入覲如德以刀上  
呈曰陛下向所賜刀從軍以來又缺如是矣帝嘉其樸  
至元十二年遷浙西宣慰使上時政五條一曰立額簿  
征二曰息兵懷遠三曰立法用人四曰省役恤民五曰

設官制祿時法制未備仕多冗員又方用兵日本而軍民之官廩未有定制故如德言及之二十四年遷江西行省參知政事贛汀二州盜起如德討平之脅從者多所全宥二十六年遷江西行尚書省左丞時鍾明亮以循州叛殺掠州縣帝命如德統四省兵討之先遣使喻以禍福賊感如德誠信即擁十餘騎詣贛州乞降平章政事鄂羅齊怒其跋扈不臣欲以事殺明亮如德曰皇元仁厚未嘗殺降明亮叛人何足惜所重者信不可失

耳

按世祖紀載明亮降詔縛至闕下如德等留不遣明亮復率衆寇贛州樞密院以如德等違詔縱賊請誅

之詔罷江西行樞密院本傳畧而不載

尋卒于軍贈平昌郡公諡武襄

周全汝寧光州人仕宋為廣南西路馬步軍副總管至元十二年已延下江南全率衆來歸授管軍千戶從元帥宋都木達下江西諸城邑明年進兵福建宋置制使黃萬石降從征廣東至韶州嚴攻具率勇士先登殺其安撫使熊飛以遊騎巡廣中過靈星海石門敵勢甚張全奮戈殺敵乘勢奪其旗鼓火其船及諸軍下廣州全



功居多十四年從攻廣西靜江府宋安撫李夢龍率衆來降兩廣平第功授管軍總管十五年盜據贛州崖石山寨全率兵討平之進管軍副萬戶鎮守龍興二十年以疾去官大德九年卒追封汝南郡侯子祖瑞襲

孔元字彥亨真定人驍勇有智畧歲丁酉棄家從軍隸丞相史天澤麾下戊戌從取焦湖圍壽春先登拔其西堡己亥從征安豐己酉從圍泗州俱有功戊午從攻樊城親王塔齊爾命取樊西堡元率死士挺槍大呼擊敵

數百人中統元年扈駕北征二年宣授管軍總把至元  
十一年從伐宋為前鋒所向克捷十五年進侍衛親軍  
千戶明年國兵討叛王實勒們等從行院拜奇頁勒密  
實追其衆至烏蘇洋而還分軍之半扼其要害餘衆遂  
潰加右衛親軍總管十九年以疾卒子鷹揚襲

朱國寶其先徐州人後徙寶坻父存器歷官修內司使  
憲宗將伐宋募兵習水戰國寶以職官子從軍隸水軍  
萬戶解誠麾下從攻鄂州攝千戶率銳卒於中流遇宋

師凡十七戰諸軍畢濟中統三年從征襄陽督造戰艦  
築萬山堡至元十一年拔沙洋隳新城皆與有功初師  
次江上國寶願當前鋒奪船二十艘以獻巴延壯之宋  
據上流方舟數百結為堡柵指示曰復能奪取是乎國  
寶即奪往破其柵既渡江下鄂漢十二年進兵臨岳州  
與宋兵戰于桃花灘獲其將高世傑進管軍總管命統  
蒙古諸軍鎮常德府知安撫司事時湖南既降惟辰沅  
靖鎮遠未下宋將李信李發結武岡洞蠻分據扼塞國

寶擊敗之其衆退保飛山新城思播蠻來援國寶復與  
戰破之擒張星沈舉等三百餘人進攻新城獲信發等  
獻俘江陵十四年會諸道兵攻廣西靜江拔之進管軍  
萬戶鎮守梧州領安撫司事初宋臨安之破也張世傑  
挾二王由閩蹈海衆復滋蔓時南恩新州何華張翼舉  
兵興復軍勢甚盛國寶選精銳擊破之悉擒其黨降其  
民三萬餘戶十六年遷海北海南道宣慰使蜚賊連結  
鬱林廉州諸洞恣行剽掠復討平之任龍光等率所部

五千戶降尋移瓊州立官程更弊政訓兵息民俱有條  
制南寧謝有奎負固不服國寶開示信義有奎感悟以  
其族來歸於是黎峒民降者三千戶蠻洞降者三十所  
十八年破臨高蠻寇五百人招降居亥番毫銅鼓等十  
九洞遣部將韓旺率兵畧大黎密塘橫山誅首惡李實  
火其巢生致大鍾小鍾諸部長十有八人二十五年進  
督元帥參知政事行尚書省事以軍事至贛州卒于傳  
舍子斌襲

張立泰安長清人初隸嚴實麾下畧江淮有功署為百  
戶歲戊午憲宗征蜀徵諸道兵立從行次大獲山宋人  
阻山為城帶江為池以自固立統銳卒攻陷外堡奪戰  
船百餘艘中統初從世祖北征遷左衛親軍副指揮使  
至元十四年

原文脫至元二字  
今據世祖紀補

轉粟赴和琳道出應昌

會酋帥帕克謀不軌以射士三千踵其後欲乘間奪其  
資糧立覺其有異急命環車為柵以備之賊衆已合矢  
如雨下初立之發上都也每車載二板以備不虞至是

建板于車矢不能入騎卒稍前即以戈撞之强弩繼發賊不得近相持連日乃解去是歲增置前後衛兵進後衛親軍都指揮使以老致仕子珪襲

齊秉節字子度濱州蒲臺人父珪攝征行千戶兼總管鎮棗陽中統三年李璫叛徵諸道兵進討棗陽精銳盡行留羸卒千餘與宋襄郢對壘敵來覘虛實珪城守周密以東門外壕狹小可越命浚之為備宋將聶都統陳總管果率兵萬餘抵城東門以板渡壕壕廣板不能及

珪力戰却之城賴以完至元三年告老舉秉節自代秉  
節魁偉沈毅涉獵書史稍知兵法襲父職仍鎮棗陽五  
年從伐宋築新城白河口堡鹿門山畧地郢州大洪山  
黃仙洞數著戰功升上千戶十一年從丞相巴延至郢  
盪舟由陸路入江攻武磯堡擒宋將閻都統十二年國  
兵敗宋賈似道舟師于丁家洲令秉節屯建康與宋將  
趙淮戰于西離山追至溧陽從定太平安慶諸郡與宋  
將張洙議戰于崑山殺之十四年授管軍總管時黃州



復叛令秉節往討斬余總轄于陣二十三年移鎮饒州擒安仁劇賊蔡福一餘黨悉平升棗陽萬戶府副萬戶三十八年卒子英襲

郭昂字彥高彰德林州人習馬槊能挽強稍通經史至元初上書言事授山東統軍司知事遷沅州安撫司同知招降溪洞八十餘柵播州張華聚衆容山昂率兵屠之山獠木獠土獠諸洞盡降十六年徇沅州西南界復新化安仁二縣擒劇賊張虎縱之曰汝非吾敵願降即

來不然吾復擒汝不難也明日虎降并其衆三千餘人  
悉使歸民籍軍還衆歛白金以獻一無所受衆從至江  
陵致金而去昂悉上之行省二十六年江西盜起昂討  
之進逼南安明揚上龍巖湖綠村石門鴈湖赤水黑風  
峒諸蠻立太平寨而還會大饑以賊酋家資分賑之授  
萬戶鎮撫州未幾行省檄赴廣東監造戰船行至廣東  
界遇賊檄諭以禍福昂威信素著賊見其檄即降授廣  
東宣慰使卒

慕公直益都樂安人世業農至元九年為沂莒膠密寧海五州都城池所千戶十年督造征日本戰船于高麗時宋未下世祖知其勇遣使召見俾領兵同行荆南等處招討司事抵峽州青草灘霖雨不進還屯玉泉山率兵三千攻安進下寨破之襄陽既下命領鄧州光化唐州漢軍及郢復熟券軍從諸軍南伐十二年至隆興宋軍突出城門逆戰公直敗之追抵城下遂踰壕拔柵焚其樓櫓興隆降南安吉贛皆望風款附公直令第三子

蒙古岱攻梅關破淮德山寨入廣東至南海皆下之詔授公直管軍萬戶時巴延巴爾達噶圖古勒叛于西夏

公直率軍討平之十八年移鎮巴實伯里二十三年

按世

祖紀至元二十六年海都犯邊帝親征巴延傳二十九年明里特穆爾挾海都叛詔巴延討之本傳作二十三年疑諸王海都叛公直從丞相巴延進戰于洪水山敗

誤

之追擊漸遠援兵不至第五子瑗力戰死公直與妻及蒙古岱俱陷焉明年蒙古岱奔還授中衛親軍副都指揮使討衢州山賊有功

楊賽音布哈初名漢英字熙載其先太原人唐季南  
詔陷播州有楊端者以應募起復播州遂使領焉世  
為播州安撫使至元十三年宋亡漢英父邦憲奉版  
籍內附授為紹慶珍州南平等處沿邊宣慰使卒諡  
惠敏漢英生五歲而孤二十二年母田氏攜至上京  
見世祖于大安殿帝呼至御榻前熟視其眸子撫其  
頂者久之諭宰臣曰楊氏母子孤寡萬里來庭朕甚  
憫之遂命襲父職

按世祖紀至元二十三年封楊賜名邦憲妻田氏為永安郡夫人

賽音布哈二十五年再入覲時年方十二帝見其應

對明敏授宣撫使

世祖紀作至元二十九年事

尋升侍衛親軍都指

揮使大德五年宋隆濟叛詔湖廣行省平章劉國傑指揮使額森呼圖克偕賽音布哈討之六年師出播境連與賊遇破之前駐蹉泥賊騎猝至賽音布哈奮擊先進大軍繼之賊始潰乘勝逐北遂降阿苴下竿籠望塵送款者相繼七年進屯暮窩賊衆復合又與戰于墨特川大破之擒斬隆濟等西南夷悉平至大四年播南盧崩

蠻內侵率兵討之卒于軍追封播國公諡忠宣子嘉貞

嗣

完顏實珠祖德珠仕金為管軍千戶父納珠歸太祖從  
征西域河西又從太宗攻下鳳翔同州有功授同州管  
民達魯噶齊兼征行千戶以年老命實珠襲已未實珠  
從世祖征哈喇章還都元帥耨埒攻馬湖江實珠奪浮  
橋與宋兵戰有功軍龍化縣與宋兵戰大敗之中統二  
年授征行萬戶從都元帥特爾格攻嘉定有功至元四

年敗宋兵于九頂山五年攻瀘州拔五獲寨渡馬湖江  
迎擊宋兵敗之從行省伊蘇岱爾攻建都蠻建都降從  
攻嘉定復瀘州取重慶寶珠之功居多二十年拜四川  
行省參知政事卒



欽定續通志卷四百七十九

欽定四庫全書

欽定續通志卷四百八十

列傳

元 三十四

王綽

隋世昌

羅璧

劉恩

石高山

鞏彥暉

蔡珍

張泰亨

賀祉

孟德

張榮實

玉

舒穆魯格根

楚鼎

張均

信苴日

王實喇

趙宏偉

王縛高麗王瞰之猶子也美容儀慷慨有志略以質子入朝歲癸丑高麗權臣高令公叛憲宗命雅勒呼大王東征縛奉旨為使講和仍鎮守其地時高麗人戶新附

者就命縉總之中統元年授總管兼領軍民至元七年高麗臣林衍判世祖遣特訥克國王討之縉簽領部民一千三百戶同行尋以疾還家居二十年卒子阿拉克特穆爾襲至元八年將兵討叛賊金通精賊敗走耽羅十一年從都元帥呼圖克征日本國預有戰功十五年加安撫使高麗軍民總管陞東征左副都元帥十八年復征日本遇風濤没于軍弟威襲二十四年納顏叛力戰屢捷復從伊魯勒諾延討塔布岱託歡大王與巴勒

噶齊託歡相拒絕流戰黑龍江箭中右臂忍傷復戰敵  
大敗二十五年征哈坦多羅干隸平章庫哩特穆爾魔  
下論功居多二十七年哈坦等入寇高麗境遣威鎮守  
脩城壁嚴卒伍軍威大振賊遂潛遁九月哈坦多羅干  
復寇察楚克威引兵擊却之二十九年陞總管高麗女  
真漢軍萬戶府

隋世昌萊陽人父寶金末為管軍都總領鎮行村海口  
太宗下山東寶遂來歸授萊陽令世昌其第四子也善

騎射鍛渾鐵為鎗重四十餘斤能左右擊刺歲癸丑選  
充隊長宋兵來攻海州世昌戰却之己未攻連水城世  
昌樹雲梯攀緣而上身被數鎗衆從之克其城擢馬軍  
千戶中統初連水復叛歸宋世昌軍于東馬寨擊敗宋  
兵至元七年遷淄萊萬戶府副都鎮撫守萬山堡九年  
敗宋兵于鹿門山元帥劉整築新門使世昌總其後樊  
城出兵來爭且拒且築不終夜而就復令立礮簾于樊  
城欄馬牆外夜大雪城中矢石如雨軍校多死傷連旦

而礮簾立宋人列艦江上世昌乘風縱火燒其船百餘  
樊城出兵鏖戰攔馬牆下世昌流血滿甲勇氣愈倍樊  
城竟破十一年引兵由黃鵲堡入漢江破沙洋攻新城  
世昌坎其城而先登中數矢傷臂兜鍪皆裂昏眩墜地  
少蘇復進遂下新城明日丞相已延視所坎城高一丈  
五尺諭論功為上十二年從戰于丁家洲以功陞管軍  
千戶十三年圍揚州世昌絕其糧道兼搜湖泊宋兵聞  
鐵鎗名不敢近揚州平從平章阿珠入見授管軍總管

十四年戍揚州擊野人原司空山等七寨皆下之進安撫使鎮澈浦二十三年改沂郟上副萬戶世昌前後數百戰體皆金瘡竟以是疾卒封定海郡侯諡忠勇

羅璧字仲玉鎮江人父大義為宋將璧年十三而孤長從朱禩孫入蜀累官利州西路步軍副總管禩孫移荆湖璧從之至江陵右丞阿爾哈雅領軍江陵璧從禩孫降授管軍千戶討欵寇有功令本州安撫事至元五年從元帥張弘範定廣南擢管軍總管鎮金山居四年海



盜屏絕徙鎮上海督造海舟十九年用丞相巴延言初

通海道漕運抵直沽以達京城立運糧萬戶三以壁與

朱清張瑄為之

按食貨志云立萬戶府二以朱清為中萬戶張瑄為千戶蒙古台為萬戶府達

增葛齊與傳互異

乃首部漕舟由海洋抵揚村不數十日入京

師進管軍萬戶燕管海道運糧二十四年納顏叛壁復

以漕舟自遼陽浮海抵錦州小凌河至廣寧十寨諸軍

賴以濟二十五年督造至直沽倉潞河決水溢幾及倉

壁樹柵率所部畚土築堤捍之陞同知淮西道宣慰司

事請兩淮荒閑之田給貧民耕墾三年而後量收其入  
從之歲得粟十萬斛大德三年廣東道宣慰使都元帥  
山海獠夷負固反側乃誘致諸洞蠻夷酋長假以官位  
由是咸率衆以歸除都水監通州故多水患鑿二渠以  
分水勢又浚阜通河而廣之

按阜通河河渠志作壩河浚河事在大德六年

歲

增漕六十餘萬石奉命括兩淮屯田得疾歸鎮江卒

劉恩字仁甫威州人勇而有謀以材武隸軍籍累功為  
管軍總管從入蜀數有戰功至元三年宋將以戰船五

百艘載甲士三萬人夾江上游先以一萬人據雲頂山  
欲取漢州思率千人渡江與戰殺其將二人士卒三千  
餘人授成都路管軍副萬戶六年從平章賽音諤德齊  
攻嘉定過九頂山與宋軍遇生擒其部將十八人械送  
京師九年從皇子西平王行省伊蘇岱爾征建都恩將  
游兵為先鋒師次其地一日三戰皆捷時師久駐食且  
盡恩畫策招諭沿江諸蠻得糧三萬石牛羊二萬頭士  
氣益振建都因山為城山有七巔恩奪其戶斷其水道

建都窮蹙乃降入朝陞管軍萬戶戍眉州十二年移戍嘉定安西王遣使召恩至六盤山問曰江南已平四川未下柰何恩曰若以重臣之不徇私者奉詔督責之則半年可下矣王即遣恩乘傳以聞帝以為然命丞相布哈等行樞密院於西川授恩同僉院事十五年重慶降守將張萬走夔府以兵固守布哈遣恩招之萬以城降旬月間得其大小州邑六十四十六年擢四川西道宣慰使率軍萬人征鄂端進都元帥師次甘州奉詔留屯

田得粟二萬餘石十八年進兵鄂端恩設伏以待大敗之海都又遣巴拜率衆三萬來侵恩以衆寡不敵成師而還二十二年僉行樞密院事卒子德祿龍衣

石高山德興府人父呼魯古以侍衛軍從太祖定中原太宗賜以東昌廣平四十餘戶遂徙居廣平之洺水中統三年高山固平章塔齊爾入見世祖因奏曰在昔太祖所集安扎爾博羅庫哩台博羅罕巴圖庫庫布哈五部特默齊軍金亡之後散居牧地多有入民籍者國家

土宇未一宜加招集以備驅策帝大悅即命與諸路同籍其數仍命高山領之四年授管軍總管鎮息州軍令嚴肅居四年邊境晏然至元八年從取光州克棗陽進攻襄樊皆有功十年從阿珠畧地淮上十一年從下江南十二年丞相巴延命以所部兵取寧國下令撫抄掠既至城下喻以禍福守者出降復從至焦山與宋兵轉戰百餘里殺獲甚多宋平巴延朝京師帝問有瘦而善戰者朕忘其名巴延以高山對且盛稱其功帝即召見

命自擇一大郡以佚老而以所部軍俾其子領之高山  
辭曰臣筋力尚壯猶能為國驅馳豈敢為自安計帝從  
之命領兵北征屯伊圖山十六年命同和塔拉領三衛  
軍戍和琳因屯田以給軍儲歲不乏用納顏叛督戰有  
功授蒙古侍衛親軍都指揮使守衛東宮成宗憫其老  
以其子庫庫布哈襲職大德七年卒于家

鞏彥暉易州人與兄彥榮俱以武勇稱初彥榮以百夫  
長隸千戶何伯祥麾下累有戰功後請老以彥暉代之

諸軍伐宋彥暉從破棗陽斬首甚衆萬戶張柔之駐曹武也彥暉與伯祥別將一軍破大洪諸寨宋人出荆鄂選兵二萬救之彥暉與伯祥逆戰生擒曹路分等一十六人是夜宋兵來攻彥暉率甲士三十人追擊于曹武鎮敵潰走擒其主將以歸戰光州柔軍于東北命彥暉率勁卒伏西南夜五鼓東北聲振天地彥暉植梯先登衆繼之破其外城遂急攻并其子城破之戰滁州彥暉率浮渾脫者十人夜渡池水入欄馬牆殺守軍三鋪焚



其東南角排寨木簾大軍繼之比明拔其城會大軍攻  
黃州諸將壁壘未定有舟來覘柔遣彥暉伏甲二百于  
赤壁下敵軍夜半果水陸並至彥暉俟其過半而擊之  
敵大撓死者無算師還又破張家寨以守將獻從攻壽  
州奪其門生擒三人以出泗州之役諸將自四鼓集城  
下為塹水所阻黎明無敢渡者兩軍交射如雨彥暉被  
重甲徑渡敵將來禦彥暉刺其胷搏殺之衆軍渡至晡  
得其外城尋登其月城彥暉將下顧伯祥失所在乃反

求之敵追襲彥暉力戰翼伯祥以出事聞魚鎮撫事歲  
己未兵渡江次武昌宋援兵四集有舟數十來挑戰彥  
暉遂之入湖中伏出被圍數匝左右莫能近彥暉矢盡  
短兵接身受重傷度不可免遂投水中敵援之出載詣  
江州見宋官不屈問以事不對竟死子信襲授管軍總  
把至元四年從元帥阿珠南征九年從攻樊城先登奪  
其土城焚西南角樓宋將矮張以舟兵來援自高頭堡  
戰鬪八十餘里抵襄陽城下奪戰艦二獲其裨將二人

十一年從丞相巴延攻沙陽堡率勇士五十人火焚其寨敵軍大亂遂破之十二年從戰丁家洲江南平以功陞管軍千戶鎮太平州

蔡珍彰德安陽人父興從宗王昆布哈出征權管軍百戶興請老以珍代之珍素驍勇歲戊午從憲宗攻宋合州釣魚山中統元年從世祖征額呼布格三年從征李璫後從鎮襄陽徇安慶攻五河所至有功南方平遂入備宿衛嘗扈駕駐黑城珍遣兵士儲芻蕘築土室軍府

賴其用道遇凍者必扶入密室溫煦之軍糧必為搏節  
不使頓絕以致饑困至元十七年擢中衛親軍總把時  
白海初建行營命珍督役卒事民不知擾雖草木無纖  
介損帝臨幸問其故近臣以蔡珍號令嚴肅對帝嘉之  
二十七年進後衛親軍千戶元貞元年告老歸子恕襲  
張泰亨堂邑縣人父山為管軍百戶泰亨襲職從攻宋  
釣魚山及樊城征努爾阿勒坦有功中統二年授侍衛  
親軍總把至元四年從征西川有功七年從攻襄陽矢

中右臂十年從攻樊城十二年授管軍總管從攻潭州  
矢中鼻拔矢奮戰却敵兵十三年從征廣西破靜江府  
軍還至潭州金瘡發卒子繼祖襲移鎮鄂州舟過洞庭  
溺死以兄顯祖代之二十四年從征交趾陷沒焉

賀祉益都人父進嘗平連水有功授千戶守膠州祉初  
以質子入宿衛至元六年襲父職七年宋兵攻膠州祉  
固守戰退之十年領舟師為先鋒攻五河口城軍還殿  
後時宋兵以巨索橫截淮水號混江龍祉用大刀斷之

却其救兵清河城遂降攻泗州獲戰船五百艘鎮新城  
絕淮安寶應糧道降之得戰船及器械上於行院遂命  
領寶應軍民事二十年建寧路黃華反以所領軍捕之  
有功二十四年以征交趾請行湖廣行省檄令守輜重  
屯思明州軍還至建康卒

孟德濟南人國初由鄒平縣令累官至同知濟南路事  
歲丙申諸王庫騰命德為元帥領濟南軍攻宋徐州光  
州下之甲辰定宗母六皇后稱制大王阿齊台以德為

萬戶攻濠泗蘄黃等州積有戰功癸丑憲宗命守睢州  
乙卯移守海州宋安撫呂文德以兵擾邊德敗之俘其  
太尉劉海丁巳從已延攻襄樊己未與子義從世祖攻  
鄂州先登中統三年從征李璫璫平德以老告歸義襲  
為萬戶領兵守沂郟至元六年從山東統軍塔齊如五  
河宋軍拒南岸義率兵渡河擊之數戰有功九年遷宿  
州萬戶十一年宋制置夏貴攻正陽義擊敗之十二年  
掠地至安慶等處攻揚子橋獲功十三年從下福建溫

台等處十六年累功授招討使二十二年復為沂鄆萬戶元貞初以老辭職子智襲

張榮實霸州保定人父進金季封北平公守信安城歲壬辰率所部兵民降太宗命為征行萬戶甲午征河南與金將國用安戰徐州死焉榮實始以質子入宿衛充征行水軍千戶甲辰從大將察罕軍至河上遇宋將呂文德與戰敗之從攻江陵畧襄陽宋以舟師橫截漢水兵不得渡榮實戰却之又破宋軍于大湖己未從世祖



南征駐陽羅渡宋兵十萬舟二千迎戰橫截江水帝以  
崇實習於水命居前列遂取輕舟率麾下鏖戰北岸斬  
宋將呂文信中統元年授水軍萬戶至元五年從丞相  
阿珠攻襄陽敗夏貴擒張順又攻樊城俘其二將十一  
年從丞相巴延渡江以所部軍先進諸將繼渡鄂漢皆  
降從阿爾哈雅攻岳州降宋將高世傑征江西隆興擒  
宋將密佑撫州降十三年進兵廣東破降韶州十五年  
累功授湖北道宣慰使諸路水軍萬戶是年卒

按安南  
傳大德

五年三月遣使持詔諭日燭中書省得移牒取萬戶張榮實等二人與去使偕還據此當咸宗朝榮實尚在與

本傳  
吳子玉

玉龍表父職十六年討吉安賊有功加都元帥兼水軍萬戶鎮黃州二十年廣東盜起遏絕占城糧運二十二年玉率兵討平之二十二年番陽湖賊起詔徙水軍萬戶府於南康二十四年從叅政烏瑪喇征交趾累戰有功二十五年師還安南以兵迎戰水涸舟不能行玉死焉子輔龍表

舒穆魯格根契丹人曾祖高努歲辛未太祖至威寧高努與劉伯林爪爾佳常格等以城降會置三萬戶三千六千戶以總天下兵遂以高努為千戶遙授青州防禦使己丑從太宗伐金為征行千戶卒于軍祖常山總管萬戶父奇爾襲至元二年從都元帥阿敦鎮潼川四年從攻蓬溪砦死焉格根少從征伐以壯勇稱八年從僉省嚴忠範以兵圍重慶攻朝陽砦先登九年宋將咎萬壽率眾襲城都格根以蒙古軍二千擊敗之十六年授

管軍總管成遂寧十七年進管軍副萬戶亦奚不薛蠻  
叛從招討使雅爾哈討平之行省伊蘓岱爾討都掌烏  
蒙蟻子諸蠻戰于鴨樓閣格根最有功二十一年以蒙  
古軍八百從征散猫蠻戰於菜園坪漆水溪皆敗之諸  
蠻降二十四年遷夔路萬戶移戍重慶二十六年卒子  
安圖襲

楚鼎安豐蒙城人父珩仕金為壽春防禦使金亡歸宋  
命守宿州歲己亥以州降宋兵來攻城破珩死之宋人

因鼎於鎮江府凡十有四年會赦免至元十二年師渡江鼎從至太平州孟之縉降行省遣鼎諭寧國守將孫世賢下之授鼎管軍總管鎮寧國平建平廣德諸盜鼎與權萬戶博囉台護招撫使李銓男漢英歸徽州諭銓下其城十三年漢英叛旌德太平兩縣民附之鼎與烏爾古納進兵用徽人鄭安策兵不血刃而亂定十八年東征日本鼎渡千餘人從左丞范文虎渡海大風忽至舟壞鼎挾破舟板漂流三晝夜至一山會文虎船因得

達高麗之金州合浦海屯駐散兵亦漂泛來集遂領之以歸

張均濟南人父山從軍伐宋以功為百戶俄陞總把戰死均襲百戶從親王塔齊爾攻鄂州面中流矢中統三年從征李璫有功陞千戶領兵守淄州至元六年從左丞董文炳攻宋五河口轉戰濠州遇伏兵均力戰敗之十年攻漣州奪孫村堡十二年從攻蕪湖奪宋戰船又從丞相安塔哈戰有功二十四年從鎮南王征交趾

按安

南傳鎮南王次內傍闕賊兵大集王擊破之命萬戶張均以精銳三千人殿力戰出闕本傳從略二十

六年從北征累遷前衛親軍副指揮使成宗即位命屯田和琳規畫有法諸王永和爾北征給餉賴之未嘗乏絕大德元年改和琳等處副元帥陞都元帥延祐元年卒子世忠襲

信苴曰

按滇志信苴官名本名實後訛為日

贊人也姓段氏其先世為大

理國王後累為權臣高氏所廢歲癸丑世祖奉命南征誅其臣高祥以段興智主國事己卯興智與其子父信

苴福入覲詔使歸國丙辰獻地圖請悉平諸部并條奏  
治民立賦之法憲宗大喜賜興智名瑪哈囉磋命志主  
諸蠻白爨等部以信苴福領其軍興智遂委國任其弟  
信苴日自與信苴福率焚興軍二萬為前鋒導大將烏  
蘭哈達討平諸部之未附者攻降交趾入朝興智卒于  
道中統二年詔信苴日領大理善闡威楚統失會川建  
昌騰越等城自各萬戶以下皆聽節制至元元年烏蠻  
長舍利畏結威初統失善闡及三十七部諸蠻各殺守



將以叛善聞屯守官不能禦遣使告急信苴日率衆進討大敗之於威楚寶滿伊復遣博囉攻賊於統失城又大破之遂定統失舍利畏又以衆十萬謀攻大理詔都元帥顧森與信苴日討之師至安寧擊走之遂復善闡降威楚定新興進攻石城肥膩皆下之爨部平十一年以信苴日為大理總管未幾舍利畏復叛信苴日遣實默等詭為商旅執贄往見挺矛撞殺之及其黨梟首于市於是置麗縣署守令行賦役施政化與中州等十三

年

緬國傳作十四年

緬國擁象騎數萬掠金齒南甸欲襲大理信

苴日與萬戶呼圖克領騎兵千人禦之緬衆敗走十八年與其子阿慶入覲帝嘉其忠勤進雲南諸路行中書省叅知政事十九年詔同右丞拜達勒率兵征緬行至金齒卒子阿慶襲

王實喇保定人初事世祖以其有勇畧賜名實喇巴圖從攻釣魚山及額呼布格累功授武衛親軍千戶中統三年從征李璫四年元師阿珠駐兵河南遣實喇將蒙

古漢軍復立宿州至元六年陞海州萬戶引兵攻鹽林山寨多所俘獲十年授東川行樞密院同僉十五年征夔府有功尋徙鎮萬州卒于軍子二曰宏曰寧樞密院擬寧襲職寧讓其兄宏於是授宏中衛都指揮使而以寧代宏為千戶寧從阿爾台哈噶遜北征追擊託克託穆爾之軍于阿納爾圖之地師還復從和爾果斯北征有功累陞前衛都指揮使司僉事

趙宏偉字子英甘陵人後徙潁川至元十三年國兵攻

宋宏偉以書謁元師宋都木達於軍中奇之俾以兵略地臨江至吉州宋主將管忠節路分鄒超悉衆出戰宏偉敗之追北二十餘里薄其城示以禍福知州周天驥舉城降以功署吉州叅佐官宋總管王昌張雲誘新附五營軍為亂事覺昌就擒宏偉夜襲雲斬首以獻俘其黨五百人宋都木達欲盡誅之宏偉曰此屬誑誤非得已也今悉就誅何安反側衆得免死授泰和縣尹宋相文天祥署其將羅開禮葉良臣集衆謀復吉贛臨江宏

偉斬良臣傳開禮釋其餘衆十七年遷衡州路總管府治中時羣盜出沒其境宏偉興屯田民既足食盜亦為農郡遂寧謐大德五年食浙西道肅政廉訪司事鎮江旱蠲民租九萬餘石吏畏飛語復徵于民民無所出行臺令宏偉核實卒蠲之大風海溢潤常江陰等州廬舍多蕩沒民乏食宏偉發倉廩以賑有司以未得報為辭宏偉曰民旦暮饑欲死擅發有罪我當坐遂發之全活者十餘萬十一年江南饑宏偉復請以贓罰錢賑之民

賴以生至大二年召為內臺都事尋出為浙東廉訪副  
使宏偉至浙東聞郡人許謙得朱熹道學之傳延致為  
師於是人知向慕未幾擢江南行臺治書侍御史皇慶  
二年致仕泰定三年卒追封天水郡侯諡貞獻子思恭  
思敬孫連自有傳

欽定續通志卷四百八十

欽定四庫全書

欽定續通志卷四百八十一

列傳

元三十五

張立道

張庭珍

庭瑞

張惠

劉好禮

王國昌

通

姜或

張礎

呂塋

王憚

張立道字顯卿大名人父善登金進士歲壬辰國兵下



河南善以策干太弟圖類命為筆且齊立道年十七備宿衛至元四年奉使西夏以幹敏稱皇子和克齊封雲南王往鎮其地命立道為王府文學立道勸王務農以厚民即署立道大理等處勸農官兼領屯田事尋使安南定歲貢之禮時雲南都元帥保赫鼎專制日久有竊據之志忌王來設宴置毒酒中且賂王相府官無泄其事立道聞之趨入見門者拒之立道怒與爭王聞其聲使召之乃得入為王言之王引其手使探口中肉已腐

矣是夕王薨保赫鼎遂據王座使人諷王妃索王印立道潛結義士得十三人約共討賊刺臂血和金屑飲之

推一人走京師告變

按世祖紀云曹預發其事豈走京師告變者預即其人歟

事頗

露保赫鼎囚立道將殺之人匠提舉張忠者燕人也于

立道為族兄結壯士夜劫諸獄共亡至土番界遇帝所

遣御史大夫博爾歡王傳必圖

博爾歡傳作吏部尚書拜特穆爾

與告

變人俱來遂與立道俱還按保赫鼎及王府官嘗受賂

者皆伏誅召立道等入朝問王薨狀帝歎歎久之曰汝

等為我家事甚勞若令欲事朕乎事太子乎事安西王乎惟汝意所向立道等奏願留事陛下于是賜立道金以旌其忠張忠等皆授官有差

以上世祖紀作至元八年事

八年復

使安南宣建國號詔立道並黑水跨雲南以至其國歲貢之禮遂定十年中書以立道熟于雲南奏授大理等處巡行勸農使其地有昆明池介碧雞金馬間環五百餘里夏潦暴至必冒城郭立道求泉源所自出役丁夫二千人治之洩其水得壤地萬餘頃皆為良田饗饒人

雖知蠶桑而未得其法立道始教之飼養收利十倍于  
舊由是羅羅諸蠻慕之相率來降收其地悉為郡縣十  
五年除忠慶路總管先是雲南未知尊孔子祀王逸少  
為先師立道首建廟學擇蜀士之賢者迎為弟子師歲  
時率諸生行釋菜禮人習禮讓風俗稍變十七年入朝  
力請于帝以雲南王子額森特穆爾襲王爵帝從之尋  
命立道為臨安廣西道宣撫使會禾泥路首領必思反  
扇動諸蠻發兵討之拔其城邑鼓行而前徇金齒旬七

十城越麻甸抵可蒲皆下之以馴象金鳳獻諸朝二十

二年又籍兩江儂士貴岑從毅

經世大典作從義至元十三年與李維屏俱降

李維屏所部戶二十五萬有奇歸有司復創廟學于建

水路書清白之訓于公廨以警貪墨風化大化二十七

年安南世子陳日燭遣陪臣詣京師告襲爵先是其國

主陳日烜累召不至僅遣其族父遺愛入貢朝廷因封

為安南王遺愛還日烜陰害之遣使問罪不受命遂遣

將討之失利而還帝怒欲再發兵丞相諤勒哲平章博

果密言蠻夷小邦不足以勞中國張立道嘗再使安南  
有功令復使往宜無不奉命帝召至諭之立道對曰臣  
愚恐不足專任乞重臣一人與俱臣為之副帝曰卿朕  
腹心臣使一人居卿上必敗卿謀遂授禮部尚書以行  
至安南界謂郊勞者曰語爾世子當出郭迎詔日燭率  
屬焚香伏謁道左既抵府拜跪聽詔如禮立道傳上命  
數其罪為書曉之日燭曰比三世辱公使公大國之卿  
小國之師也何以教我立道曰昔鎮南王奉詞致討汝

非能勝之也由其不用嚮導率衆深入不見一人遲疑而還曾未出險風雨驟至弓矢盡壞衆不戰而自潰天子亦既知之汝所恃者山海之險瘴癘之惡耳且雲南與嶺南之人習俗同而技力等今發而用之繼以北方勁旅汝復能抗哉汝戰不利不過遁入海中島夷乘釁必來寇抄汝汝食少不能支必為彼屈汝為其臣孰若為天子臣乎今海上諸夷歲貢于汝者亦畏我大國之爾與也聖天子有德于汝甚厚前年之師殊非上意邊

將讒汝爾汝曾不悟輒稱兵抗拒遂我使人以怒我大  
國之師令禍且至矣惟世子計之日燭拜且泣曰公言  
良是天子使公來必能活我北面再拜誓死不敢忘天  
子德遂迎立道入出奇寶為賄拒不受要日燭入朝日  
燭曰貪生畏死人之常情誠有詔貸以不死臣將何辭  
乃先遣其臣阮代之何惟巖等隨立道上表謝罪修歲  
貢之禮如初且言所以願朝之意廷臣有害其功者以  
為必先朝而後赦日燭懼卒不至

謹按通鑑輯覽



御批安南負固不臣屢于王命托歡海口之敗至于折將損兵亟應聲罪以張天討若以其為窮荒卉服不足以頻動師徒則當早持以鎮定付之不問乃日燭並未稍知悔過轉遣使徵以入朝跋涉徒勞仍然抗命不至豈不自損威重迄元之世南交終于梗化皆由措置乖方不能使之驚慄傾誠耳二十八年遷陝西漢中

道肅政廉訪使三十年皇曾孫蘇克緞封梁王出鎮雲

南大德二年廷議求舊臣可為王輔者復以立道為雲

南行省參政視事期月卒立道凡三使安南官雲南最

久土人德之立祠廟善聞

按原作鄩善誤今據安南國傳改正

城西所著

詩文有效古集平蜀總論安南錄雲南風土記六詔

通說若干卷子元雲南行省左右司郎中

張庭珍字國寶臨潢全州人父楫金商州南倉使歲壬辰籍其民數千來降太宗命為北京都轉運使因家焉憲宗即位以庭珍為筆且齊高麗不請命徙居江華島遣庭珍詰問之其王言大軍歲入侵掠避而走險非得已也且賂庭珍庭珍却之歸以狀聞帝為禁戍兵無擅入其地高麗以安世祖即位自將北伐以庭珍熟知西京入漠南路遣立沙井諸驛兼給糧運至元六年安南

入貢不時以庭珍為安南國達嚕噶齊

按安南國傳以呼魯哈雅為達

嚕噶齊張庭珍副之事在至元五年並與此異

由吐蕃大理諸蠻至其地世子

光晒立受詔庭珍責之曰皇帝不欲以汝土地為郡縣而聽汝稱藩遣使諭旨德至厚也王猶與宋為唇齒妄自尊大今百萬之師圍襄陽拔在旦夕席卷渡江則宋亡矣王將何恃且雲南兵不兩月可至汝境覆汝宗祀有不難者其審謀之光晒惶恐下拜受詔既而語庭珍曰聖天子憐我而使者來多無禮汝官朝列我王也相

與抗禮古有之乎庭珍曰有之王人雖微序於諸侯之上  
光晒曰汝過益州見雲南王拜否庭珍曰雲南王天子  
之子汝蠻夷小邦特假以王號豈得與親王比况天子  
命我為安南長位居汝上耶光晒曰既稱大國何索  
吾犀象庭珍曰貢獻方物藩臣職也光晒無以對使衛  
兵露刃環立以恐庭珍庭珍解所佩弓刀坦臥室中曰

聽汝何為光晒及羣下皆服

按安南國傳七年中書省移牒責光晒受詔不拜待

使介不以王人之禮八年光晒復書力辯十年復移牒責之十二年光晒又請罷本國達嚕噶齊其詞並倨本

傳言光祿下拜及羣受詔  
下皆服恐不免於溢美

明年遣使隨入貢庭珍見帝

具以聞帝大悅命付翰林紀之授襄陽行省郎中會宋  
將呂文煥遣黑楊都統來議納款將遣之還報庭珍曰  
彼來或以計覘我未能必其果降此人呂氏腹心不如

留之以伐其謀元帥阿珠然之乃留不遣明日文煥舉  
城降累遷開封府尹開封有控鶴軍士十餘人賃大宅  
聚居縱橫街陌庭珍始至察其必為盜急捕之得寶玩  
器服子女滿室窮索其黨俱殺之民以為神河決太康

漂溺千里庭珍括商人漁子船及縛木為筏載糗糧四  
出救之全活甚衆水入善利門庭珍親督夫運薪土捍  
之不能止乃頽城為堰水既退即發民增外防百三十  
里人免水憂俄卒於官庭珍性清慎丞相巴延嘗語人  
曰諸將渡江無不荒貪惟我與國寶始終自守聞者以  
為知言弟庭瑞

庭瑞字天表以宿衛從憲宗伐蜀為先鋒中統二年授  
元帥府參議留戍青居諸軍攻開州達州庭瑞將兵城

虎嘯山扼二州路宋將夏貴以師數萬圍之城當砲皆穿築柵以守柵壞更依大樹張牛馬皮以拒砲貴知城中人飲于澗外絕其水庭瑞取人畜搜沸煮之瀉土中以洩臭人日飲數合唇皆瘡裂堅守踰月援兵不敢進庭瑞度宋兵稍懈夜劫貴營宋兵驚潰殺都統欒俊等五人庭瑞亦被傷數處以功授知高唐州徙四川屯田經畧副使東西川行樞密院發兵圍重慶朝廷知庭瑞練習軍事換成都總管舟楫兵仗糧儲皆倚以辦蜀平

陞諸蠻夷部宣慰使碯門羌與婦人老幼入市爭價殺  
人碯門魚通司繫其人羌酋怒斷繩橋謀入劫之左丞  
汪惟正問計庭瑞曰羌俗暴悍以鬪殺為勇今如蜂毒  
一人而即以門牆之寇待之不可宜遣使往諭彼悟當  
自回矣惟正曰使者無過於君遂從數騎抵羌界羌陳  
兵以待庭瑞進前讓之其酋長棄槍弩羅拜乃論殺人  
者餘盡縱遣之遂與約自今交市者以碯門為界無相  
出入官買蜀茶增價鬻於羌人以為惠庭瑞定每引納



二婚而付文券與民聽其自市羌蜀便之都掌蠻叛善  
飛鎗聯松枝為牌自蔽命庭瑞討之所射矢出其牌半  
斡蠻驚即請服授叙州等處蠻夷部宣撫使改潭州路  
總管時湖廣省臣方剝民為功庭瑞知不可奪乃辭歸  
卒於家

張惠字廷傑成都新繁人宋尚書右僕射商英之裔孫  
也年十四國兵入蜀被俘至杭海居數年盡通諸國語  
丞相茂穆蘇薦之入侍世祖藩邸以謹敏稱賜名烏爾

古鼎爾圖世祖即位授燕京宣慰副使為政寬簡奏免  
分數錢罷硝磺局至元元年遷參知政事行省山東贖  
俘囚三百餘家為民其不能歸者使為僧建寺居之李  
璫之亂山東民被掠者衆惠至大括軍中悉縱之又奏  
選良吏去冗官以蘇民困累遷中書右丞十一年巴延  
伐宋詔惠主饋餉凡江淮錢穀皆領之十三年宋降巴  
延命惠等入城按閱府庫版籍收太廟及景靈宮禮樂  
器物冊寶郊天儀仗籍江南民為工匠凡三十萬戶惠

選有藝業者十餘萬戶餘悉奏還為民已延以宋主北

去俾惠居守惠不待命輒啓府庫封鑰事聞詔詰責徵

還京師二十年拜平章政事行省揚州二十二年改杭

州至無錫卒惠所至有能聲及老頗以沈浮取譏

按世祖紀

載阿哈瑪特子呼遜等以崔斌論列免官至元十五年張惠請復之此亦浮沉取譏之一節也

劉好禮字敬之保定完州人憲宗時廉訪府辟為參議

至元元年以侍儀廉希逸薦召見言舉人材數事稱旨

五年應詔建言凡有司奏請宜啓皇太子俾得閱習庶

政以為社稷生民之福陝西重地宜封皇子諸王以鎮之創築都城宜給直以市民地選格不宜以中統三年為限後是者不錄帝然其言勅中書省施行七年遷益蘭州等五部斷事官

按河西志云好禮為奇爾濟蘇哈卜喀噶謙州並蘭州等處斷事官大

修官庫置傳舍以並蘭為治所

並蘭距京師九千餘里民俗不知陶冶

水無舟航好禮請工匠于朝以教其民民便之或言權鹽酒可以佐經費好禮曰朝廷設官要荒務以綏遠寧欲奪其利耶言者慚服十年北方諸王叛執好禮軍中

其大將以好禮善應對釋之十六年叛王召好禮至欠  
欠州曰皇帝疑我至有今日好禮曰不疑果疑王召王  
至京師肯還之耶明年好禮率衆走別部守阨以待兵  
至遇叛王軍迫之西踰雪峯嶺好禮自度踰是則無望  
生還遂以衣服賂其下始獲東出鐵壁山口間道南走  
數日從者繼至中道糧絕捕獵以為食至珠爾海始與  
戍兵接得乘傳至昌州入見帝賜之食與鈔十八年授  
澧州路總管十九年入為刑部尚書改吏部二十一年

出為北京路總管再入為戶部尚書二十五年卒子晟  
河西隴右道肅政廉訪使

王國昌膠州高密人初為膠州千戶中統元年入覲世  
祖察其能遷左武衛親軍千戶召問軍旅事國昌奏對  
甚悉帝嘉之至元五年有上書言高麗境內黑山海道  
至宋境為近帝命國昌往視泛海千餘里風濤洶湧從  
者恐勸還國昌神色自若徐曰奉天子威命未畢事而  
遽返可乎遂至黑山乃還帝延見慰勞時東夷皆內屬

惟日本不受正朔帝知隋時曾與中國通遣使諭以威德令國昌率兵護送道經高麗會高麗有叛臣據珍島因與經畧使茂圖史樞等攻拔之八年

日本國傳作七年

復遣

使往日本命國昌屯于高麗之義安郡以為援卒于軍

子通嗣

通初襲千戶十二年從諸軍伐宋渡江鎮鄂州時潭州不下兵薄其城通以千人破其柵宋兵遁去通縱兵追擊殺獲甚衆從攻靜江下之十五年上書言南方已定

而北陲未安請屯田于和琳率所部自効帝慰勞遣之  
從破敵兵于金山俘獲生口及馬羊牛駝不可勝計從  
討叛王納顏又屯田瓜沙諸州武宗即位遷屯儲衛親  
軍都指揮使鎮海口以疾卒

姜或字文卿萊州萊陽人父椿避亂依濟南張榮因家  
焉或穎悟好學榮守濟南辟為掾升參議官中統二年  
或與榮孫宏入朝因言益都李璫反狀已露宜先其未  
發制之不報明年璫果反襲據濟南或棄家從榮招集



散亡迎諸王哈必齊進討之捕得生口言城中糧盡勢  
蹙或乃請見王曰聞王陛辭面受詔曰發兵誅叛毋及  
無辜今日夕城且破王宜早諭諸將分守城門勿令縱  
兵不然城中無噍類矣王曰汝言城破解陰陽耶或曰  
以人事知之若待城破始言晚矣王悟明日賊衆開門  
出降王下令諸軍敢入城者論以軍法璫就擒城中按  
堵如故或以功授大都督府參議改知濱州時行營軍  
士多占民田為牧地縱牛馬壞民禾稼或言于中書遣

官分畫疆畔捕其強猾者寘之法乃課民種桑歲餘新桑徧野人名為太守桑及遷東平府判官民遮請留馬為之不行至元五年為河北河南道提刑按察使累遷行臺御史中丞以老病歸濟南尋擢燕南河北道提刑按察使三十年卒子迪吉

張礎字可用其先渤海人父範為真定勸農官因家焉礎業儒歲丙辰平章廉希憲薦于世祖潛邸時真定為諸王額呼布格分地以礎不附已銜之遣使言于世祖

曰張礎我分地中人當以歸我世祖命使者復曰兄弟至親寧有彼此且我方有事于宋如礎者實所倚任待天下平定當遣還也已未從伐宋凡徵發軍旅文檄悉出其手中統元年立中書省以礎權左右司事尋出為彰德路拘權官厯知獻州威州有婦人乘驢過市者投下官昂吉之奴引鳴鏑射婦人墜地奴匿昂吉家礎將以其事聞昂吉懼乃出其奴論如法至元十四年擢江南浙西道提刑按察副使宣慰使實哩貪暴掠良民為

奴礎劾黜之遂安縣民聚衆負險為亂命礎與同知浙西道宣慰使劉宣領兵捕之礎曰江南新附守吏或失撫綏宜遣人招諭以全衆命宣不可礎曰諭之不來加誅未晚從之逆黨果自縛請罪礎釋之宣乃歎服遷嶺南廣西道提刑按察使宣慰使伊埒圖強奪民財礎按其罪後改授安豐路總管三十一年卒于官封清河郡公諡文敏子淑衛輝路推官

呂壘字伯充河內人父佑歸附初隸兵籍轉徙北郡復

至關中家焉廉希憲宣撫京兆聘許衡教授生徒塋從  
衡學衡為國子祭酒舉塋為伴讀至元十三年擢陝西  
道按察司知事未行會宋降者言襄漢新附民情未安  
有呂子開者向為襄陽制置司參謀官今退居鄂其人  
悉知宋事宜徵用之朝廷議遣使而難其人塋聞之慨  
然請行偕子開入覲陳安撫襄漢便宜詔以子開為翰  
林直學士辭不就十四年授塋四川行樞密院都事時  
宋制置使張珏守重慶安撫使王立守合州詔樞府分

兵取之李德輝行西院事于成都獲立偵卒張郃等數人將殺之臺曰彼不即降者以昔嘗抗命懼誅耳今宜釋郃等俾歸諭立未幾立果遣郃等齎蠟書至成都德輝請與東院同受降後期不至德輝承制授立仍為安撫使知合州開倉賑民禁戢剽掠瀘敘崇慶思播夔萬等郡聞之相繼送款東院恥無功誣德輝越境邀功械立于長安獄將誅之臺適以事至京師言于許衡衡曰留守賀仁傑遂奏釋立仍舊官臺亦以平定功陞四

川行省左右司郎中三十年改華州知州勸農興學具有成效及代民爭留之大德中河東關隴地震月餘不止或與集賢學士蕭巖設問答數千言以究其理且移書廟堂陳救災弭患之道仁宗即位召拜翰林侍讀學士時方議行科舉或曰經明行修質而少華非惟士有實行國家亦當得真才以登治平未幾致仕遣使給驛還關中卒追封東平郡公謚文穆子三人杲杲楨皆顯仕

王惲字仲謀衛州汲縣人父天鐸金正大初以律學中  
首選仕至戶部主事惲好學善屬文與東魯王博文渤  
海王旭齊名中統元年左丞姚樞宣撫東平辟為詳議  
官時省部初建令諸路各上儒吏之能理財者一人惲  
以選至京師上書論時政擢為中書省詳定官

按惲自著中堂

事記云初高麗國相有書致寒暄于宣府欲命惲為答  
書惲曰境外之交非人臣所宜此范文正書諭元昊遂  
得罪于裕陵也遂止謹附識

二年轉翰林修撰同知制誥尋兼中書

省左右司都事治錢穀議典禮考制度咸究所長至元



五年建御史臺首拜監察御史論事凡百五十餘章時都水劉晟交結權勢沒官糧四十餘萬石憚暴其姦利又言晟監修太廟畢功特轉官錫賞今纔數年梁柱摧朽事涉不敬宜論如法晟竟以憂卒九年出為平陽路總管府判官十四年除翰林待制拜燕南河北道按察副使十八年裕宗在東宮憚進承華事畧其目曰廣孝立愛端本進學擇術謹習聽政達聰撫軍崇儒親賢去邪納誨幾諫從諫推恩尚儉戒逸知賢審官凡二十篇

按裕宗傳撫軍下有明分一條  
戒逸下無知賢一條與此互異裕宗覽之喜甚令諸皇  
孫傳觀稱其書裨益良多十九年改山東東西道提刑  
按察副使在官一年以疾還衛二十二年召為左司郎  
中時右丞盧世榮以聚斂進用屢趣之不赴或問其故  
惲曰力小任大剥衆利己未聞能全者遠之尚恐見浼  
况可近乎二十六年擢福建閩海道提刑按察使奏言  
福建所轄郡縣五十餘連山距海實為邊徼重地而民  
情輕詭由平定以來官吏貪殘故山寇往往嘯聚愚民

因而蟻附及官兵致討復蹂踐之甚非朝廷一視同仁之意今行省官僚尚缺宜特選清望素著者使鎮靜之庶幾治安可期矣時行省討劇賊鍾明亮無功憚復條陳利害曰福建歸附之民戶幾百萬黃華一變十去四五今劇賊猖獗又酷于華況其地有溪山之險東擊西走出沒難測招之不降攻之不克宜選精兵申明號令專命重臣節制以計討之使彼勢窮力竭庶可取也二十八年召至京師見帝于柳林行宮上萬言書極陳時

政授翰林學士成宗即位獻守成事鑑一十五篇所論  
悉本諸經旨元貞元年加知制誥同修國史奉勅纂修  
世祖實錄因集聖訓六卷上之大德五年乞致仕授其  
子公儒為衛州推官以便養八年卒追封太原郡公謚  
文定其著述有相鑑五十卷汲郡志十五卷承華事略  
中堂事記烏臺筆補玉堂嘉話并雜著詩文合為一百  
卷

欽定續通志卷四百八十一

欽定四庫全書

史部

欽定續通志卷四百八十二至

六

編修<sub>臣</sub>謝振定覆勘

總校官原任侍講<sub>臣</sub>王燕緒

欽定四庫全書

欽定續通志卷四百八十二

列傳

元

三十六

陳祐

天祥

何榮祖

秦長卿

姚天福

劉宣

陳思濟

趙與票

許國禎

辰

陳祐一名天祐字慶甫趙州寧晉人少好學家貧母張氏嘗剪髮易書使讀之歲癸丑穆王分土于陝洛表祐為河南府總管甫下車禮金季名士李國維楊杲李微薛玄咨訪治道奏免征西軍數百家及椒竹諸稅糧料等錢世祖即位分陝洛為河南西路真除祐為總管以清慎稱至元二年調官法行改南京路治中適東方大蝗徐邳尤甚責捕至急祐曰捕蝗慮其傷稼也今蝗雖盛而穀已熟不如令早刈之庶力省而有得三年朝廷



授衛輝路總管申明法令創立孔子廟修比干墓且請

于朝著于祀典嘗上書言樹太平之本有三一曰太子

國本建立宜蚤二曰中書政本責成宜專三曰人材治

本選舉宜審時論稱之六年置提刑按察司首以祐為

山東東西道提刑按察使

按百官志云國初立提刑按察司四道一曰山東東西道

至元六年以提刑按察司兼勸農事與此不合

時中書尚書二省竝立帝厭其

煩欲合為一集大臣雜議祐還朝命預議阿哈瑪特為

尚書平章欲奏陞中書右丞相安圖為太師因罷中書

省懼祐有異議許進祐尚書叅知政事以陷之及入議  
祐極言中書政本祖宗所立不可罷三公古官今徒存  
其虛位未須設事遂寢阿哈瑪特怒其忤已除僉中興  
等路行尚書省事會朝廷大舉伐宋遣祐僉軍山東民  
多逃匿聞祐來皆曰陳按察來必無私遂皆出應期而  
辦十二年轉南京總管兼開封府尹吏多震懾失措祐  
因謂曰何必若是前為盜跖今為顏子吾以顏子待之  
前為顏子今為盜跖吾以盜跖待之由是吏知修飭不

敢弄法許蔡間有巨盜祐捕之急逃入宋境宋亡隨制  
置夏貴過汴祐斥下馬撾殺之民間帖然十四年遷浙  
東道宣慰使時江南初附軍士俘獲溫台民數千口祐  
悉奪還之未幾行省權民商酒稅祐請曰兵火之餘傷  
殘之民宜從寬恤不報遣祐檢覆慶元台州民田及還  
至新昌值玉山鄉盜倉猝不及備遂遇害按虞集撰陳  
思濟神通碑  
云時盜起新昌玉山宣慰陳祐率師往討  
之為飛矢所中而殞與本傳所載畧異  
諡忠定祐能詩文有節齋集子夔芎陂屯田萬戶初在

揚州聞父遇盜死泣請于行省願復父讐擒其賊魁戮于紹興市孫思謙自有傳弟天祥

天祥字吉甫因兄祐仕河南徙家洛陽少隸軍籍善騎射李璫叛據濟南結宋為外援河北河南宣慰司承制授天祥千戶屯三汊口防遏宋兵事平罷歸居偃師南山躬耕讀書從遊者日衆其居近緱氏山因號緱山先生至元十一年為郢復州等處招討司經歷從國兵渡江論軍事深為行省叅政賈居貞所器十三年興國軍

以籍兵器致亂行省命天祥權知本軍事甫入境父老  
來謁諭之曰捍衛鄉井誠不可無兵任事者籍之過當  
故致亂爾今令汝輩權致兵仗自衛何如衆稱便乃條  
其事于行省行省許以便宜處置由是流移復業以至  
隣郡之民來歸者相繼天祥命以十家為甲十甲有長  
弛兵禁以從民便人心既安軍勢稍振用土兵收李必  
聽山寨不戮一人他寨聞之各自散去境內悉平時州  
縣官吏未有俸祿天祥從便規措而月給之以止其貪

民用弗擾居歲餘代者至變更舊政治隱匿兵者甚急  
未幾興國復變鄰郡壽昌府及大江南北諸城邑多乘  
勢殺守將以應之聲言攻陽羅堡鄂州大震天祥言于  
居貞曰陽羅堡依山為壘素有嚴備彼若來攻我之利  
也且南人浮躁輕進易退官軍憑高據險區區烏合之  
衆輒來相敵死傷必多遁逃者十八九我出精兵以擊  
之乘勝取黃州壽昌如摧枯拉朽耳居貞深然之力趣  
行省進兵次青山明日大敗其衆如天祥所料初行省

聞變盡執鄂州城中南人將殺之以防內應居貞救之不能得天祥曰是州之人與彼勢本不相接欲殺之者利其財耳力止之至是被執者皆縱去復遣天祥權知壽昌府事為亂者聞官軍至皆棄城依險自保天祥遣諭各歸田里惟生擒亂首斬于鄂州市由是無復叛者二十一年拜監察御史會右丞盧世榮以聚斂驟升執政御史中丞崔或言之帝怒欲致之法世榮燄益張左司郎中周獻因議事微有可否世榮誣以沮法奏令杖

一百然後斬之于是臣僚震懾無敢言者

按崔或及盧世榮傳或與

周貳論列盧世榮事並在二十二年

二十二年天祥上疏極言世榮姦惡

其畧曰世榮以商販所獲之貲趨附權臣營求入仕擢江西榷茶轉運使屢犯賊私動以萬計已經追納今竟不悛狂悖愈甚雖居丞轄寔專大政恣行苛刻大肆誅求欲以一歲之期將致十年之積考其行事不副所言始言能令鈔法如舊鈔今愈虛始言能令百物自賤物今愈貴始言課程增添三百萬錠不取于民而辦今却



迫脅諸路官司增數包認凡若所為動為民擾脫不蚤  
有更張須其自敗正猶蠹雖除去木病亦深矣疏聞帝  
使召天祥與世榮俱至上都面質之縛世榮于宮門外  
明日入對天祥于帝前再舉其所言與未及盡言者帝  
皆稱善世榮遂伏誅朝廷錄天祥平興國壽昌功擢吏  
部郎中二十三年除治書侍御史命理算湖北湖南行  
省錢穀至鄂州即上疏劾平章約蘇穆爾凶暴不法時  
僧格竊國柄與為姻黨誣天祥以罪欲致之死繫獄幾

四百日二十五年遇赦得釋元貞元年授山東西道廉訪使時盜賊群起山東居多詔求弭盜方畧天祥奏曰古者盜賊之起各有所因除歲凶饑饉諉之天時宜且勿論他如軍旅不息工役薦興苛斂繁刑皆足致盜中間保護存養之者赦令是也赦者小人之幸君子之不幸彼強梁之徒執兵殺人者有司盡力以擒之朝廷加恩以釋之旦脫縲因暮即行劫既不感恩又不畏法兇殘悖逆誠非善化能移惟以嚴刑可制所擬事條皆切于

時弊于是嚴督有司捕殺積盜南至漢江二千餘里無  
得脫者平陰縣女子劉金蓮假妖術以惑衆所至官為  
立神堂勢寢大天祥命繫之杖于市自此神怪屏息大  
德三年遷河北河南廉訪使六年擢河南行臺御史中  
丞上章論征西南夷事曰八百媳婦國乃荒裔小邦劉  
深欺上罔下帥兵伐之經過八番縱橫自恣中途變生  
所在皆叛既不能制亂反為亂衆所制食盡計窮倉皇  
退走喪兵十八九棄地千餘里朝廷再發四省軍以圖

收復湖北湖南大起丁夫運糧至二十餘萬正當農時  
興此大役比聞從征敗卒言西南遠夷皆重山複嶺陡  
澗深箐軍行徑路僅容一人一騎上如登天下如入井  
又其瘴毒之氣皆能傷人群蠻知大軍至或乘險邀擊  
或清夜遠遁阻其要害以老我師進不得前旁無所掠  
將有不戰自困者矣且自征伐倭國占城交趾爪哇緬  
國以來近三十年未嘗見有尺土一民內屬之益計其  
所費錢財死損軍數可勝言哉去歲西征及今此舉亦

復何異乞蚤正深罪下明詔招諭彼必自相歸順未須  
遠勞王師與區區小醜爭一旦之勝負也若謂欲罷不  
能亦當詳審成敗算定而行彼諸蠻皆烏合之徒必無  
久能同心敵我之理急之則相救緩之則相疑以計使  
之互相讐怨待彼有可乘之隙我有可動之時徐命諸  
軍數道俱進服從者恩之以仁拒敵者威之以武恩威  
相濟功乃易成若舍恩任威蹈深覆轍恐他日之患有  
甚于今日也不報遂謝病歸七年召拜集賢大學士商

議中書省事八月地震河東尤甚詔問弭災之道天祥上章極言陰陽不和天地不位皆人事失宜所致執政者抑不以聞天祥自被召至京且一歲未嘗得見帝言事常鬱鬱不自釋久之移疾去至通州中書追留之不返帝聞賜鈔五千貫仍命給傳專官護送至家天祥望闕拜謝辭所賜鈔而行九年拜中書右丞使者五致詔不赴仁宗即位復遣使召之以老疾辭延祐三年卒于家追封趙國公諡文忠

劉宣字伯宣其先潞人也金末避地徙太原宣沉毅清介自幼喜讀書有經世志宣撫張德輝至河東見而器之薦為中書省掾暇則往從祭酒許衡講明理學初為河北河南道巡行勸農副使至元十二年改行省郎中從丞相巴延統軍平江南贊畫居多江南平命宣沙汰江淮冗官其所存革悉合公論二十二年歷官吏部尚書時將伐交趾宣上言曰連年日本之役百姓愁戚官府擾攘今春停罷江浙軍民歡聲如雷安南小邦臣事

有年歲貢未嘗愆期邊帥生事興兵彼因避竄海島使  
大舉無功將士傷殘今又下令再征聞者莫不恐懼自  
古興兵必須天時中原平土猶避盛夏交廣炎瘴之地  
毒氣害人甚于兵刃今以七月會諸道兵于靜江比至  
安南病死必衆緩急遇敵何以應之又交趾無糧水路  
難通無車馬牛畜馱載一夫擔米五斗往還自食外官  
得其半若十萬石用四十萬人止供一二月軍糧廣西  
湖南調度頻數民多離散戶令供役亦不能辦况湖南



密邇溪洞寇盜常多大兵一出乘虛生變雖有留後人馬疲弱衰老卒難應變臣竊慮之及再征日本宣復諫曰近議復置征東行省再興日本之師此役不息安危繫焉前者索多建伐占城哈雅言平交趾交趾與我接壤叢爾小邦遣親王提兵深入未見報功索多為賊所殺自遺羞辱況日本海洋萬里疆土濶遠非二國比今此出師動衆履險縱不過風可到彼岸倭國地廣徒衆猥多彼兵四集我師無援萬一不利欲發救兵其能飛

渡耶帝納其言二十三年中書傳旨議更鈔用錢宣言  
國朝廢錢已久一旦行之功費不貲非為遠計大抵利  
民權物其要自不妄用始若欲濟丘壑之用非惟鑄造  
不敷抑亦不久自斃矣屬僧格謀立尚書省以專國柄  
錢議遂罷二十五年由集賢學士除行臺御史中丞時  
江浙行省丞相蒙古岱悍戾縱恣常慮臺臣發其奸尤  
忌宣遣其黨造建康伺臺中違失臺官皆竦懼陰求自  
解惟宣屹然不動蒙古岱愈銜之羅織宣之子繫揚州

獄又令建康酒務淘金等官及錄事司官以罪免者誣告行臺沮壞錢穀以聞于朝朝廷遣官置獄行省鞠問宣及御史六人俱就逮既登舟行省以軍船列兵衛驅迫之宣自剄于舟中始宣將行時以一緘付從子自誠令勿啓宣死視其書云觸怒大臣誣構成罪豈能與經斷小人交口辨訟屈膝為容于怨家之前身為臺臣義不受辱當自引決但不獲以身殉國為恨耳嗚呼天乎寔鑒此心別具遺藁列蒙古岱罪狀塗注勾抹辭句難

辨前治書侍御史霍肅為叙次其文讀者悲憤宣既引  
決行省白于朝以為宣知罪重自殺前後構成其事者  
郎中張斯立也延祐四年從子自持上宣行實御史臺  
以聞追封彭城郡公諡忠憲

何榮祖字繼先其先太原人金亡徙家廣平何氏世業  
吏榮祖尤所通習遂以吏累遷中書省掾擢御史臺都  
事始折節讀書阿哈瑪特方用事置總庫于其家以收  
四方之利號曰和市監察御史范方等斥其非論甚力

阿哈瑪特知榮祖主其謀奏為左右司都事以隸己欲  
因事中傷之未幾除治書侍御史又出為山東按察使  
卒莫逞其志歷御史中丞復出為山東東西道按察使  
時宣慰使樂實姚演開膠州海道有制禁戢諸人沮撓  
撞舶遇暴風多漂覆樂實弗信督諸漕卒償之榜掠慘  
毒自殺者相繼按察官懼違制莫敢言榮祖曰第言之  
若朝廷見譴吾自當之即草辭以奏詔免其徵召入為  
尚書省叅知政事會僧格專政亟于理算錢穀人受其

害榮祖請罷之帝不從屢懇不已乃稍緩之而畿內民困尤甚榮祖每以為辭至忤旨不少屈未踰月而害民之弊皆上聞帝乃思其言召問所宜榮祖請于歲終立局考校人以為便定為常式僧格敗改中書右丞奏行

所定至元新格

按續通鑑元初未有法守有司斷理獄訟備用金律頗傷嚴刻右丞何榮祖乃

以公規治民禦盜理財等十事輯為一書名曰至元新格丁巳詔頒行之請改提刑按察司

為肅政廉訪司而立監治之法又言國家用度不可不足天下百姓不可不安今理財者弗顧民力之困言治

者弗圖國計之大且當用之人恒多而得用之人恒少  
要之省部實為根本必擇材而用之按察司雖監臨一  
道其職在于除弊安民苟有弗至則臺省又當遣官體  
察庶有裨益帝深然之屢以老疾乞解機務詔免署事  
惟預議中書省事又加平章政事以水旱請罷不允先  
是榮祖奉旨定大德律令書成已久至是乃得請于上  
詔元老大臣聚聽之未及頒行適子秘書少監惠沒遂  
歸廣平卒追封趙國公諡文憲

按虞集諡議云榮祖  
諡忠肅與史傳異

陳思濟字濟民柘城人。以才器見稱于時。世祖在潛邸。聞其名。召備顧問。既即位。始建省部。俾掌敷奏。時廉希憲行省陝西。思濟寔與偕行。多所贊畫。中統三年。召希憲入中書。思濟還。仍掌敷奏。會阿哈瑪特入省。恥位在希憲左。每欲肆意而行。希憲不從。及希憲去位。省臣晨集。掾屬皆憚阿哈瑪特。不敢前。思濟獨先以文牘進。阿哈瑪特輒于希憲位署。押思濟據掩以手曰。此非相君署位也。阿哈瑪特怒。目視之。思濟神色自若。至元五年。



分命中書省總百揆御史臺正百官一時黜陟登庸憲  
章程式多出其手拜監察御史時阿哈瑪特立尚書省  
權在中書右思濟與魏初等劾其不法帝以近臣正之  
御史各以次對思濟獨厲聲曰御史言官也非為辯訟  
設拂袖而出出知沁州遷同知紹興路總管府事獄  
桐廬有囚羸瘠將死縱遣還家候期來決囚拜請曰聞  
公名久矣若不蚤決恐終不可保為閱其案而釋之俄  
以二十三年同知浙東道宣慰司事時浙江大水民饑

浙東倉廩殷實即轉輸以賑之全活者衆

按虞集神道碑云僧格用

事遍理算錢糧檄思濟分理浙東思濟曰瀕海民貧而糶必激變得寢其行史傳不載謹附識

改池州

路總管江浙行省平章伊蘇岱爾威勢赫然摘淘金戶

三千括民間田畝檄下力上章止之累遷僉河南江北

行省事大德五年冬卒追封潁川郡侯諡文肅子誠監

察御史

秦長卿洛陽人性倣儻尚風節世祖在京兆潛藩聞其名既即位以布衣徵與劉宣同在宿衛以氣岸相高是

時尚書省立阿哈瑪特專政長卿上書曰臣愚竢能識  
阿哈瑪特其為政擅生殺人人畏憚之因莫敢言然怨  
毒亦已甚矣觀其禁絕異議杜塞忠言其情似秦趙高  
私蓄踰公家覬覦非望其事似漢董卓春秋人臣無將  
請及其未發誅之事下中書阿哈瑪特為人便佞善伺  
人主意又其貲足以動人中貴人力為掄解事遂寢然  
由是大恨長卿除興和宣德同知鐵冶事竟誣以折閱  
課額數萬緡逮長卿下吏籍其家使獄吏殺之獄吏濡

紙塞其口鼻死未幾王著聚徒殺阿哈瑪特帝後悟亦追罪之斲棺戮屍并誅其子而長卿寃終不白長卿從子山甫為建康府判官聞長卿寃狀即日棄官累薦不起以疾卒

趙與鼎字晦叔宋宗室子嘗登進士第為鄂州教授至元十一年丞相巴延既渡江與鼎率宗人在鄂者詣軍門上書力陳不嗜殺人可以一天下且乞全其族黨後巴延朝京師世祖問宋宗室之賢者首以與鼎對十

三年召至上京幅巾深衣以見言宋敗亡之故悉由誤用權奸詞旨激切帝為之動容授翰林待制朝廷立法多所咨訪與熹忠言讜論無所顧惜進直學士轉侍講疏陳江南科斂急督移括大姓宋世丘壘暴露皆大臣擅易明詔所為二十七年京師霧四塞明年虎入南城與熹又疏言權臣專政之咎退而家居待罪未幾僧格敗平章博果密奏與熹貧窶有守世祖曰得非指權臣為虎者耶賜鈔萬三千貫累遷翰林學士其伯祖師淵

嘗從朱熹學家庭受授具有端緒

按閩復墓誌云師淵纂次通鑑綱目凡例

微言與語耳受身履故與黨所行尤近

于是與許衡論伊洛閫奧衡雅敬

之大德七年卒家貧無以為葬成宗命有司賻鈔五千貫給舟車還葬贈天水郡侯諡文簡

姚天福字君祥絳州人幼讀春秋通大義及長以材辟

懷仁丞至元五年詔立御史臺拜監察御史每廷折權

臣帝嘉其直錫命巴爾斯謂不畏強悍猶虎也

按陶宗儀輟耕

錄云條奏宰相阿哈瑪特罪二十有四召廷辯天福枚數之至于三氣沮色喪上曰此三首罪已不在宥因目

天福曰  
巴爾斯

仍厚賜以旌其忠時御史臺置二大夫綱紀無  
統天福言于世祖曰古稱一蛇九尾首動尾隨一蛇二  
首不能寸進今臺綱不張有一蛇二首之患陛下不急  
拯之久則紊不可理帝詔伊蘇特穆爾及博囉諭之博  
囉以年少引退天福時按行畿內有出使者凌民取賄  
天福乃易服間行得其狀奏戮之以徇豪右憎服十二  
年詔罷各道按察司天福白御史大夫曰是司之設所  
以廣視聽虞非常慮至深遠不但繩有司已也大夫駭

然曰微公言幾失之夜入帝卧内奏其言帝大悟詔復

立之權臣不悅左遷天福衡州路同知

按富珠哩神道碑云會駕北

幸阿哈瑪特馳騎士縛天福閱其家脫粟數斛外得言

事故葉羅織苛毒天福抗聲曰乘輿行狩戕害言臣宰相寧欲反耶拮據無所得斥遷

衡州本傳未經詳載附識于此

起為河東道提刑按察

副使時北鄙兵興轉輸煩急河東民苦徭役天福以反

側為憂劾執政失計奏罷其役十六年江南既平授淮

西道按察使二十年遷山北道按察使其民鮮知稼穡

天福教以樹藝皆致蕃富三十一年歷授陝西漢中道



肅政廉訪使尋除真定路總管真定驛傳之需多為民  
害天福更議措置之方省臣以其事聞詔從之頒其制  
為天下式大德四年拜叅知政事大都路總管兼大興  
府尹六年以疾卒初天福拜御史時其母戒之曰古稱  
公爾忘私委質為臣當罄所衷以塞其職勿以我為卹  
天福亦請于憲府曰監察責當言路有犯無隱苟獲譴  
乞不為親累或以聞帝嘆曰巴爾斯母子義烈之言當  
于古人中求之子祖舜秘書監著作郎侃內藏庫副使

許國禎字進之絳州曲沃人世業醫國禎博通經史尤精醫術世祖在潛邸徵至瀚海留掌醫藥莊聖太后有疾國禎治之刻期而愈拜姓王妃病目治者用鍼誤損其明世祖怒欲坐以死國禎從容諫曰罪固當死然原其情乃恐怖失次所致即誅之後誰敢復進者世祖意解且獎之曰國禎之直可作諫官世祖過飲馬湫得足疾國禎進藥味苦却不服國禎曰古人有言良藥苦口利于病忠言逆耳利于行已而足疾再作世祖曰不聽

汝言果困斯疾對曰良藥苦口既知之矣忠言逆耳願  
留意焉世祖大悅歲癸丑從征雲南機密皆得參與已  
未圍鄂州獲宋人數百族諸將欲盡阮之國禎力請止  
誅其兇暴餘皆獲免及師還招降民數十萬口疲餓顛  
仆者盈道國禎請發蔡州軍儲糧賑之全活甚衆世祖  
卽位提點太醫院事至元十二年遷禮部尚書國禎嘗  
上疏言慎財賦禁服色明法律嚴武備設諫官均衛兵  
建學校立朝儀事多施行凡所薦引皆知名士士亦歸

重之帝與近臣言及勲舊大臣因謂國禎曰朕昔出征  
同履艱難者惟卿數人在爾遂拜集賢大學士卒諡忠  
憲後追封薊國公子宸

宸字君黼一名和爾果斯從父國禎事世祖于潛邸世  
祖喜之賜今名俾從許衡學入備宿衛每外國使至必  
命與之語辭理明辯莫不傾服改尚醫太監有竊大安  
閣禮神之幣者將誅之羣臣莫敢言和爾果斯獨諫曰  
敬神善事也因置人于死地臣恐神不享所祭帝即命

釋之與丞相安圖善國政多所贊益僧格忌之數譖于  
帝不聽僧格敗繫于左掖門帝命和爾果斯往唾其面  
辭不可帝稱其仁厚咸宗朝出為陝西行中書省右丞  
時關中饑發倉粟賑之同列以未得請于朝不可和爾  
果斯曰民為邦本今饑餒如此若俟命下無及矣擅發  
之罪當獨任之不以累公等遂大發粟不數日命亦下  
明年旱禱于終南山而雨歲以大熟民皆畫像祀之尋  
召還以足疾不能行特敕乘小輿入禁中訪以舊事特

授大司徒食其祿終身追封趙國公諡僖簡

欽定續通志卷四百八十二